




www.BibleForChildren.org


Tsutiarika 1




Tsutiapai Kakaiyari
muyuawi meta kwie
kaniutawewieni.



Kwie puyuxamuriekai meta
pakumawekai, hapa
'ameukateewa yiriya
penukanakai. Kakaiyari
'iyarieya haa heima
piyeyeikakai.




Hiki Kakaiyari mipai kaniutayini: «Hekariya ke'uneni».
'Ana hekariya kaniuneni. Hekariya «tukari»
katiniuteriwa, yiriyata «tikari». Hiki kaniukiyre, ximerita
kanayani, mexiakame tukari kanayani.




Kakaiyari mipai kaniutayini: «'Amakuyewa ke'uneni haa hixiapa ke'ipata haa taheima mieme meta kwiepa mieme». 'Amakuyewa, Kakaiyari «muyuawi» katiniuteriwa. Hiki kaniukuyire, ximerita kanayani, Hutarieka tukari kanayani.




Hiki Kakaiyari mipai kaniutayini: «Haa muyuawitia mitama ke'uyukuxeirieni 'axeikia, 'uwakiti ke'ayani». Kemutayi mipai pitiiyi. Muwaki «kwie» Kakaiyari katiniteriwa, haa muyukuxeiri «haramara» katiniteriwa. 'Ixeiyati Kakaiyari «'Aixia pi'ane», kaniutayini.




Hikita Kakaiyari mipai kaniutayini: «Ketiutineni kwiepa,
ke'utineni tupiriyate yuhatsiyarite hexeiyati, 'iteirite
yutakari kehexeiyatikani meta
yuhatsiyarite. Naiti xexuiti
kemitupitiarie».




Mipai katiniuyini. Hiki kaniukuyire, ximerita kanayani,
hairieka tukari kanayani.




Kakaiyari hutame mamariwaweme hekariwiwamete
kaniutiwewieni, xeime 'anekame tau tukariki
mieme, xeimeta yaki tixawatime
metseri tikariki mieme, meta
xurawetsixi tikariki miemete. Hiki
kaniukiyre, ximerita kanayani.
Naurieka tukari kanayani.




Mipai kaniutayini
Kakaiyari: «Yumiireti
haapa meketeye'uwani,
meketeheiwitikani wikixi
kwie heima muyuawi
kemiyeewa». Hiki
kaniukuyire, ximerita
kanayani, 'auxiwirieka
tukari kanayani.




Kakaiyari mipai kaniutayini: «Xekeneyimiiriyani kwiepa yunaiti xemayeyuyurini, yunaiti memiteyutewatsinia, yeutari meta, yuhukama memuku'uwa kwiepa, yunaime kememiteheupaime». Mipai pitiuyi.




Mipaita kaniutayini: «Tewi tepitawewieni tahepai
tiyuxexeyame tahepai tiyikihiaweme. Pitiwata'aitiani
ketsite haramaratsie miemete, wikixi meta muyuawitsie
miemete, yunaime memiteyutewatsinia, yeutari,
yunaime memika'ukiniwawe
yuhukama memuku'uwa kwiepa». Kakaiyari naime katiniuxeiya
tita mitiutiwewi. «'Aixia
pi'ane», kaniutayini. Hiki
kaniukuyire, ximerita
kanayani,
'ataxewirieka
tukari kanayani.



Merikitsi Yawé Kakaiyari tewi kaniuhiritiani haraweri
'Ereni miti'uximayakaki, miti'iwiyaniki.



Yawé Kakaiyari
kanihiritiani mipai
rehaweti:
«Ketinekwaka naime
'ikwaxi harawerita
mieme. Peru miki 'iteiri
xeikia, tewi xika 'itikwani
'ikwaxiyari miki tewi
piretimani tita 'aixia
miti'ane tita 'axamiti'ane,
miki 'iteiri 'ikwaxiyari
pepikakwaka. Mexika
pe'itikwani, 'ana pepimini».




Mipai 'ana tewi kaniwarutiteriwa
yunaimē keyupaimeti memitexiawe
memiteyutewatsinia, yunaimē
memite'awiwawe, yunaimē yeutari.
Matsi miki nixewiti tewi
parewiwameya yemeki pika'atia.



Hiki Yawé Kakaiyari 'uki heukutiaka, waikawa
kutsukaku kaniwakuhana 'akieya, hutariekata
waiyarieya kaneunani. Miki 'uki 'akieyaki,
Yawé Kakaiyari 'uka kaniutawewieni,
hiki 'uki kani'atirieni.



Mipai mitiuyiki, 'ayumieme 'uki
kaniyupatamiki yupaapa yumaama
wahetsia kaniyeyeimiki, yi'iya hamatia
mekaniyutaxewirikuni meyunaki'eriet,
xeiwaiyari mekanakinikuni.



Kakaiyari 'ipai katiniwanaki'erieka
kwiepa memitama. Yuniwe muyuxewi
kaniyetuani memikatatimaiyarieniki,
yunaiti yuri memite'erie
hetsiena, tukari mikaxiwe
memexeianiki pita.



Xumatari 3:23 'Axamepite'uyuri yunaiti, yunaiti
mepika'aye'axiawawe Kakaiyari witsimitiwaxeiyaki,

Xumatari 6:23 Kamitsi, kemi'ane 'axamitiuyuri, miki miyaki
'apirapiniyarieni, peru 'imikieri Kakaiyari mitatsiyetuirie,
tukari mikaxiwe kanihikitini Tati'aitiwame Kiritsitu Ketsutsi
hetsie tetewiyakaku.

Hepirayutsixi 9:27 Teiteri wahetsie katininakimiki xeimieme
memikwiniki, 'ariketa 'itsikame kaniwatahiawimiki.

'Epetsutari 2:8,9 Mipai 'aixia mitiuka'iyariki,
'ayumieme xeputawikweitsitiae yuri xete'eriet. Peru
kexemite'utawikweitsitiae, yikimana xepika'
utawikweitsitiae. Kakaiyari pita yakatinixe'upitani.
Tixaiti xemite'uyuriki xepika'utawikweitsitiae.
'Ipai nepaine kapa xewiti naki'akaki yikimana.



Xumatari 10:9,10 Mipai paine: xika 'ateniki peti'ahekiatiaka
Ketsutsi hetsie petiwiyaTi Ti'aitame kemitihiki, xika 'a'iyariki
yuri peti'erieka kename Kakaiyari henukuketia mikite
watsata, pekanitawikweitsitariemiki.

Yu'iyariki tewi yuri piti'erie heitserie mipitarieniki.
Yuteniki pitiyuhekiatia mitawikweitsitarieniki.

Wani 3:16,17 Kakaiyari 'ipai katiniwanaki'erieka
kwiepa memitama. Yuniwe muyuxewi kaniyetuani
memikatatimaiyarieniki, yunaiti yuri memite'erie
hetsiena, tukari mikaxiwe memexeianiki pita.
Kakaiyari kwiepa kemireiyeni'a yuniwe, mipai pikatiuyuri
miwaranutaxirieniki kwiepa memitama. Matsi kwiepa
memitama memitawikweitsitarieniki kimana,
'ayumieme pita kaneiyeni'ani.



1 Wani 5:11-13 Mipai paine tita mitihekata: Kakaiyari
kataniupitiani tukari mikaxiwe, nu'ayatsie kanixuaweni miki
tukari. Kemi'ane nu'aya mexeiya, tukari pexeiya, kemi'ane
Kakaiyari Nu'aya mikahexeiya, tukari pikahexeiya. 'Iki
nepitixe'uti'utiiri xeme yuri xemite'erie kemi'ane Kakaiyari
nu'aya mihikitsie, xemitemaikaki tukari
mikaxiwe xepexeiya.



Tsutiarika 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Huichol Bible (hch) © 2020,
Wycliffe Bible Translators, Inc.

<https://live.bible.is/bible/HCHWYI/GEN/1>

©2026 Bible for Children, Inc.

www.M1914.org

www.bibleforchildren.org

